



EObanus in Hassia natus & educatus fuit. Is cū felicissimo ingenio præditus esset, à pueris operam literis dedit, & in liberalium artium studio plurimùm progressus fuit. In primis uerò arti Poëtices incubuit, & naturali quadam inclinatione ad eò in ea profecit, ut carminibus condendis nulli suo tempore secundus esset. Itaq; in Erphurdienſi Gymnasio omnibus innotuit, & Erasmo Roterdamo charissimus fuit. Postea ad Marpurgensem academiam peruenit, & inter artiũ professores receptus est. Ibi cum studijs inuigilaret, & singulari dexteritate multos libros, & Poëmaturum duas faragines ederet, eam scholam plurimùm exornauit,

& sua præsentia celebriorem reddidit. Vnde etiam principi Cattorum Philippo gratissimus extitit. Is inter alia, Homeri Iliada Latino carmine expressit, atq; in eo opere uires ingenij declarauit, & 1540 Basileæ edidit. Pari ratione Dauidis Psalmos, cū Ecclesiaste & Prouerbijs Salomonis, paraphrasticè uersibus conscripsit, libros 12 Epistolarum collegit, & multa alia huiusmodi ædidi, quibus nominis immortalitatem consecutus est. Erat is corpore robusto insignis, atq; uino plurimùm delectabatur, ita tamen ut personæ dignitatem tueretur, & tum potissimum ex tempore uarios uersus proferret. Cum hoc modo Eobanus omnibus doctis innotuisset, tandem obiit, & honestè apud suos sepultus fuit. Eras. in Epist. & Con.